

HOF BEVESTIG DAT VALSE OPGAWES ADMINISTRATIEWE BOETES EN KRIMINELE VERVOLGING TOT GEVOLG KAN HÊ

Tshwane, 10 Oktober 2023 - Die kommissaris van die Suid-Afrikaanse Inkomstediens (SARS), mnr Edward Kieswetter, het die uitspraak deur die Appèlhof, om die appèl van mnr Ketsise Motlounge en ander met koste af te wys, verwelkom. Die hof het beslis dat daar geen vooruitsig van sukses is nie.

Die saak is aanvanklik voor die hof gebring nadat SARS 'n oudit van die besigheid uitgevoer het, wat bevind het dat die klaers met opset nul-opgawes vir beide belasting op toegevoegde waarde (BTW) en maatskappye inkomstebelasting (MIB) waarvoor hulle geregistreer was, ingedien het terwyl hulle aktief handelgedryf, inkomste gegeneraar en uitgawes aangegaan het.

Die Appèlhof se beslissing handhaaf hiermee die vroeëre beslissing deur die Hooggeregshof in die guns van SARS, wat die uitspraak deur die Streekshof, ten opsigte van 'n saak van opsetlike belastingontduiking, teen die klaers handhaaf.

Met die ondersoek van hierdie saak, het SARS bevind dat die inligting wat die belastingpligtige ingedien het vervals was. SARS het sy bevindinge met die klaers gekommunikeer en gevolglik administratiewe boetes vir die belasting gehef. Die tweede klaer het die bevindinge en boetes, soos deur SARS gekommunikeer, aanvaar maar die verwysing van die saak vir kriminele vervolging teengestaan. Die klaers het aangevoer dat dit op dubbele blootstelling uitloop en dat die bepalinge van die Wet op Belastingadministrasie ongrondwettig is omdat dit toelaat dat die klaers twee keer vir dieselfde oortreding, administratief en krimineel, aangekla word. Die hof het geen gronde vir die argument gevind nie en in die guns van SARS beslis waarna die klaers hulle na die Appèlhof gewend het.

SARS-kommissaris Edward Kieswetter het die uitspraak deur die hof in hierdie saak geloof. "Menige belastingpligtige maak misbruik van die stelsel deur nul- of valse opgawes in te dien, onderwyl hulle die ware bedrywighede van hul besigheid verdoesel. Die beslissing deur die hof het bevestig dat hierdie opsetlike praktyk nie net 'n burgerlike oortreding is nie, maar 'n misdadig.' Hierdie bevinding ondersteun die noukeurige ondersoeke deur SARS jeens belastingontduiking deur belastingpligtige en dat SARS korrek opgetree het met die heffing van 'n onderstellingsboete vir oortreding en die daaropvolgende verwysing vir vervolging vir kriminele dade teen die fiskus. SARS sal volhou met die kragtige navolging van diegene wat opsetlik nienakomend teenoor die belastingwette bly. Dit sal sonder aansien des persoons uitgevoer word.

Vir meer inligting, kontak asseblief SARS by SARSMedia@sars.gov.za.